

Jednanski porjad

Założboweje rady Założby za serbski lud

§ 1

Založbowa rada

- (1) Posedzenja Založboweje rady wotměwaja so znajmjeńša jónu wob lěto.
Předsydka/Předsyda přeprošuje pisomnje wšitke člonki/wšitkich člonow Založboweje rady, jich zastupjerki/zastupjerjow a předsydku/předsydu Parlamentariskeje přirady najpozdžišo štyri tydženje do posedzenja z podaćom dnjoweho porjada. Kóždy člonka/kóždy člon Založboweje rady smě sčasom do tutoho termina dypki za dnjowy porjad zapodać.
- (2) Posedzenja nawjeduja so wot předsydki/předsydy Založboweje rady, w padže zastupowanja wot jeje naměstnicy/jeho naměstnika. Wo wjedženje protokola postara so založbowy zarjad.
- (3) Předsydka/Předsyda zwěsća do spočatka posedzenja přitomnosć člonkow/člonow Založboweje rady a jeje wobzamknjenjakmanosć. Založbowa rada je wobzamknjenjakmana, jeli je znajmjeńša wosom z jeje člonkow/člonow přitomnych.
W běhu posedzenja hodži so hłosowanske prawo wot rjadneje člonki/rjadneho člona na jeje zastupjerku/jeho zastupjerja přenesć, dyrbi-li rjadna člonka/rjadny člon posedzenje dočasne wopušćić.
- (4) Založbowa rada schwali namjetowany dnjowy porjad. Wo namjetach za změny a wudospołnjenja rozsudza Založbowa rada z jednorej wjetšinu.
- (5) Direktor/Direktorka zažby wobdžěla so na posedzenjach Založboweje rady z poradźowacym hłosom. Wona/Wón smě dalšim sobudžělačerjam zažboweho zarjada přikazać, so na posedzenjach wobdžělić, jeli předsydka/předsyda w jednotliwym padže ničo druhe njepostaja.
- (6) Zastupowacy člonojo Založboweje rady su woprawnjeni so na posedzenjach z poradźowacym hłosom wobdžělić, jeli je člonka/člon, kotruž/kotrehož zastupuja, sama přitomna/sam přitomny.
- (7) Na posedzenjach Založboweje rady smědza so hosćo na přeprošenje předsydki/předsydy wobdžělić.

§ 2

Rěč

- (1) Na posedzenjach Založboweje rady móžetej so němska a serbska rěč wužiwać.
Při tym ma so zawěsćić, zo móža wšitcy člonojo Založboweje rady jednanja we wšem scěhować.
- (2) W dopisowanju Založboweje rady a zažboweho zarjada smětej so serbska kaž tež němska rěč wužiwać. Jeli je pismo w serbskej rěči spisane, so po potrebjě z podpismom pod němskorěčneje wersiju wopodstatni, zo je wobsah serbsko- a němskorěčneje wersije w samsnej měrje wjazacy.

§ 3

Přihot posedženjow Založboweje rady

Direktorka/Direktor sćeje člonam Založboweje rady, jich zastupjerkam/zastupjerjam kaž tež předsydce/předsydy Parlamentariskeje přirady podložki znajmjeńša 20 kalendrowych dnjow do posedženja.

§ 4

Wobzamknjenja

- (1) Založbowa rada rozsudža přez wobzamknjenje. W nuznych padach móže předsydka/předsyda Založboweje rady, w padže zastupnistwa jeje zastupjerka/jeho zastupjer tež po puću pisomneho wothłosowanja k wobzamknjenjam dóńc. W předłoze ma so čas podač (nic prjedy hač 14 dnjow po wotpósłanju), po čehož wotběhu přihłosowanje jako date płaći. Za wobzamknjenja po puću pisomneho wothłosowanja je jednohłosnosť trěbna.
- (2) Wobzamknyč ma so w zjawnym wothłosowanju přez zběhnjenje ruki z jednorej wjetšinu wotedatych hłosow. Do wothłosowanja so tekst wobzamknjenja wot protokolantki/protokolanta napisa a přečita.
- (3) Na próstwu jeničkeje člonki/jeničkeho člona Založboweje rady ma so tajnje wothłosowač.
- (4) Při wothłosowanju dosaha přitomnosť jeničkeje/jeničkeho, Zwjazk abo wotpowědny kraj zastupowaceje člonki/zastupowaceho člona, zo bychu so hłosy Zwjazka/kraja wotedač móhli (§ 5 wotst. 2 čo. 2 do 4 wustawkow). W tutym padže móža so hłosy Zwjazka abo wotpowědneho kraja jenož jednotnje wotedač.
- (5) Jednanja Založboweje rady su zasadnje dowěrliwe. Winowatosć k dowěrliwosci wobsteji tež po wopušćenju Založboweje rady.

§ 4 a

Wuzamknjenje z wuradžowanja a wothłosowanja

- (1) Člon Založboweje rady po § 5 wotst. 2 čo. 1, 5 a 6 wustawkow je wuzamknjeny z wuradžowanja a wothłosowanja Založboweje rady w naležnosćach
 - a, přichodnych abo wrócoležacych přizwolenjow založby na přijimarja, ke kotremuž člonka/člon w trajnym dožnym poměrje steji;
 - b, přichodnych abo wrócoležacych přizwolenjow založby na přijimarja, ke kotremuž mandźelska/mandźelski abo žiwjenska partnerka/žiwjenski partner člona w trajnym dožnym poměrje steji, tež hdyž mandźelstwo abo žiwjenske zhromadženstwo wjace njewobsteji;
 - c, přichodnych abo wrócoležacych přizwolenjow založby na přijimarja, ke kotremuž w runej liniji přiwuzni abo přiženjeni člonki/člona w trajnym dožnym poměrje steja;
 - d, w kotrychž hewak strach wobsteji, zo móhli po wěcy cuze zajimy město založbowych wuradžowanje a wothłosowanje Založboweje rady, wosebje

wotħosowanske zadźerženje potrjecheneje člonki/potrjecheneho čłona bytostnje wobwliwować.

- (2) Trajnemu dołžnemu poměrej so runa, jeli rezultowachu abo rezultuja
a, z wjace hač jednoho zrěčenskeho poměra abo
b, we wobłuku zrěčenskeho poměra prawidławne

bytostne wukony (pjenježne abo pjenjezam rune) přijimarja přizwolenjow napřečo w § 4 a wotst. 1 mjenowanym wosobam.

- (3) Kóždy člonka/kóždy čłon Założboweje rady inkluziwnje potrjecheneho ma prawo, hač k wobzamknjenju k naležnosći w zmysle § 4 a wotst. 1 próstwu wo wuzamknjenje člonki/čłona z wuradzowanja a wobzamknjenja zapodać.
Zapodar próstwy ma swoju próstwu wopodstatnić. Potrjechenemu poskića so składnosć, so wuprajíc. Předsydka/Předsyda Założboweje rady smě sej žadać, zo zapodar próstwy a potrjechene přednjese wobstejnosće wěrjepodobnje předstajitaj.

- (4) Próstwa wo wuzamknjenje člonki/čłona smě so po wobzamknjenju k naležnosćam w zmysle § 4 a wotst. 1 jenož stajíc, jeli zapodar próstwy wěrjepodobnje předstajitaj, zo bu přizjewjena přičina zapodarjej próstwy hakle po wobzamknjenju znata.
Při wobzamknjenjach k naležnosćam w zmysle § 4 a wotst. 1 njepřitomni smědža próstwu wo wuzamknjenje jenož stajíc, jeli wěrjepodobnje předstajitaj, zo žanom z přitomnych přičina wuzamknjenja znata njebě. Pozdžiše próstwy móža so jenož w běhu dweju tydženjow po tym stajíc, zo bu přičina znata abo by dyrbjała znata być (pozdžiše wědženje) abo zo bu wobzamknjenje k naležnosćam w zmysle § 4 a wotst. 1 (pola přitomnych) znate abo by dyrbjała znate być.

- (5) Wo wuzamknjenju rozsudža Założbowa rada bjez sobuskutkowanja potrjecheneho.
Rozsud njeje trěbny, jeli ma potrjechene próstwu za woprawnjenju. W padže wuzamknjenja člonki/čłona přewozmje jeje zastupjerka/jeho zastupjer ħosowanske prawo.

- (6) Wobzamknjenje Założboweje rady k wuzamknjenju hodži so jenož wotprěć, jeli je so próstwa wo wuzamknjenje člonki/čłona wotpokazała. Za potrjecheneho to njeplaći, jeli jemu do wobzamknjenja k wuzamknjenju žana móžnosć data njebu, so wuprajíc.

- (7) Wobzamknjenje k naležnosćam w zmysle § 4 a wotst. 1 hodži so jenož wotprěć, jeli je so tute wobzamknjenje docpěło ze sobuskutkowanjom člonki/čłona, kotrejež/kotrehož wuzamknjenje bě Założbowa rada kaž horjeka wopisane wobzamknyła.

§ 5

Wuhódnoćenje posedženjow

- (1) Wo wuslědku jednanjow a wo wobzamknjenjach Założboweje rady ma so spis zhotowić, kotryž předsydka/předsyda a protokolantka/protokolant podpisataj. Wobzamknjenja maja so po słowje protokolować. Naćisk protokola so čłonom Założboweje rady w měsacu po wotpowědnym posedženju posrědkuje. Tute/Tući maja 14 dnjow chwile, so k tomu wuprajíc.

- (2) Po wotběhu časa a předzělanju protokola posrědkuje so tutón člonam Založboweje rady a jich zastupjerkam/zastupjerjam kaž tež předsydce/předsydzé Parlamentariskeje přirady.

§ 6

Založbowa komisija

- (1) Nadawki Založboweje komisije su we wustawkach Založby za serbski lud w § 6 wotst. 2 definowane.
- (2) Direktorka/Direktor založby přeprašuje člonow komisije pisomnje najpozdžišo dwaj tydženjej do posedženja z podačom dnjoweho porjada. Kóžda člonka/Kóždy člon Založboweje komisije smě sčasom do tutoho termina dypki za dnjowy porjad zapodać.
- (3) Založbowa komisija schadźuje so po potrebjje.
- (4) Posedženja nawjeduje direktorka/direktor založby, w padže zadžěwanja jeje zastupjerka/jeho zastupjer. Wjedženje protokola je nadawk založboweho zarjada.
- (5) Direktorka/Direktor sćeje podložki člonam Založboweje komisije najpozdžišo 10 (džěłowych) dnjow do posedženja.
- (6) Jednanja Založboweje komisije su zasadnje dowěrliwe. Winowatosć k dowěrliwosći wobsteji tež po wopušćenju Založboweje komisije.
- (7) Hewak płaća po zmysle předpisy § 2 a § 5.
- (8) Nadawki fachoweje přirady za projektowe spěchowanje su w § 6 wotst. 7 wustawkow Založby za serbski lud definowane. Fachowa přirada schadźuje so dwójce wob lěto. Hewak płaća předpisy po wotst. 2, 4, 5 a 6 po zmysle.

§ 7

Direktorka/Direktor

- (1) Direktorka/Direktor wuwjeduje wobzamknjenja Založboweje rady a Založboweje komisije a rjaduje běžne a jej/jemu přenjesene naležnosće založby. Wona/Wón rozsudža we wěcach, dalokož po wustawkach přiřosowanje Založboweje rady trěbne njeje.
- (2) Direktorka/Direktor wudžěła plan rozrjadowanja džěłowych wobłukow, kotryž postaja organizaciju založboweho zarjada kaž tež kompetency jednotliwych sobudžělačerjow. Založbowa rada so wo planje informuje.
- (3) W padže njeprítomnosće direktorki/direktora wukonja so džěło wot zastupowaceje direktorki/zastupowaceho direktora. Službne jězby direktorki/direktora, kotrež překroča normalny wobłuk (wjace hač pjeć dnjow w jednotliwym padže), a jězby do wukraja maja so předsydce/předsydzé Založboweje rady do nastupa jězby přizjewić.
- (4) Najpozdžišo hač do 15. oktobra běžneho hospodarskeho lěta předpožži

direktorka/direktor Založbowej komisiji naćisk hospodarskeho plana za přichodne hospodarske lěto. Naćisk wopřija hospodarske plany wot załožby institucionelnje spěchowanych zarjadnišćow. Do toho ma direktorka/direktor hospodarske plany z wotpowědnymi institucijemi wujednać.

- (5) Z wotběhom naslědneho hospodarskeho połěta předpołoža direktorka/direktor naćisk za kónclětne wotličenje załožbowym gremijam k pruwowanju.

§ 8

Płaćiwosć jednanskeho porjada

- (1) Jednanski porjad je Založbowa rada na swojim posedźenju dnja 12. meje 2020 wobzamknyła.
- (2) Wón nabudže 1. junija 2020 płaćiwosće. Runočasnje zhubi dotalny jednanski porjad, naposledk změnjeny dnja 26. nowembra 2013, swoju płaćiwosć.